

八

編

類

纂

八編類纂卷之四十九

大學衍義補

禮類

崇教化

一道德以同俗

易象曰天與火同人君子以類族辨物

樂謂此序  
世可無黨  
猶不黨只  
足不同黨  
只是強同

王制天子無事與諸侯相見曰朝考禮正刑一德以  
尊于天子

司徒一道德以同俗

漢董仲舒言於武帝曰春秋大一統乃天地之常經  
古今之通誼也今師異道人異論百家殊方指意不

同是以上三以持一統法制數變下不知所守臣愚  
以爲諸不在六藝之科孔子之術者皆絕其道勿使  
竝進邪辟之說滅息然後統紀可一而法度可明民  
知所從矣天子善其對以仲舒爲江都相丞相衛綰  
因奏所舉賢良或治申韓蘓張之言亂國政者請皆  
罷奏可

臣按武帝卽位之初首舉賢良方正卽得董仲  
舒之眞儒者仲舒首以是爲言而丞相衛綰又  
以爲奏於是罷黜百家而世之學者因是而知  
尊孔子之道自後建太學立博士明經術使儒

者之道大明于天下一洗秦人之陋至今儒道盛行經術大明皆武帝振作之功衛綰奏請之績仲舒發揚之力也

宣帝甘露三年詔諸儒論五經同異於石渠閣蕭望之等平奏上親稱制臨決立梁丘易夏侯尚書穀梁春秋博士唐太宗貞觀十四年命國子祭酒孔穎達等撰五經正義雖包貫異家爲詳博其間不能無繆允博士馬嘉運駁正其失有詔更令裁定

臣按漢宣帝會諸儒於石渠講論五經同異然惟講議之而已未有成書也至唐太宗始命孔

穎達會諸儒臣譔五經正義是亦一道德之一端也

韓愈曰周道衰孔子沒火于秦黃老于漢佛于晉魏梁隋之間其言道德仁義者不入于楊則入于墨不入於老則入於佛入於彼必出於此又曰古之爲民者四今之爲民者六古之教者處其一今之教者處其三農之家一而食粟之家六工之家一而用器之家六商之家一而資焉之家六奈之何民不窮且盜也

歐陽修曰佛爲夷狄去中國最遠而有佛固已久矣

堯舜三代之際王政修明禮義之教克於天下於此之時雖有佛無由而入及三代表王政闕禮義曠後二百餘年而佛至乎中國由是言之佛所以爲吾患者乘其闕廢之時而來此其受患之本也補其闕修其廢使王政明而禮義克雖有佛無所施於吾民矣此亦自然之勢也

修又言於君曰士之所本在乎六經而自暴秦焚書聖道中絕漢興收拾亡逸所在無幾去聖旣遠莫可考證偏學異說因自名家然而授受相傳尚有師法暨晉宋而下師道漸亡至唐爲九經正義所載旣博

所擇不精多引識緯之書以相雜亂乞特詔儒臣刪去識緯之文使學者不爲怪異之言所惑亂然後經義純一無所駁雜臣愚以謂欲使士子學古勵行而不本六經欲學六經而不去其詭異欲望功化之成不可得也

臣按秦漢以來之六經所以至于今日者實由孔穎達之正議其刻板尚存於福州府學今後學經者因得以考見古人之訓詁義例而知其名物度數之詳雖其間多駁雜詭異之言如歐陽氏所言者然朱子謂漢魏諸儒正音讀通訓

詰考制度辨名物學者苟不先涉其流則亦何以用功於此則其書亦世之不可無者也第欲中心有主而知所擇耳

躬孝弟以敦化

商書伊訓曰立也愛惟親立敬惟長始于家邦終于四海

孝經子曰先王有至德要道以順天下民用和睦上下無怨夫孝德之本也教之所由生也

君子之事親孝故忠可移於君事兄弟故順可移於長居家理故治可移於官



故雖天子必有尊也。言有父也。必有先也。言有兄也。孝悌之至。通于神明。光于四海。無所不通。

王制凡養老有虞氏以燕禮。夏后氏以饗禮。殷人以食禮。周人修而兼用之。

孔穎達曰。人君養老有四。一是養三老。五更。二是子孫爲國難而死。養其父祖。三是養致仕之老。四是引戶校年。養庶人之老。

有虞氏養國老於上庠。養庶老於下庠。夏后氏養國老於東序。養庶老於西序。殷人養國老於右學。養庶老於左學。周人養國老於東郊。養庶老於虞庠。

月令仲秋之月養衰老授儿杖行也猶賜糜粥糜亦飲

祭義虞夏殷周天下之盛王也未有遺年者年之貴乎天下久矣次乎事親也

孝弟發諸朝廷行乎道路至乎州巷放乎狻狴修乎軍旅衆以義死之而弗敢犯也

祀乎明堂所以教諸侯之孝也食三老五更于太學所以教諸侯之弟也又口食三老五更於太學

祖

祖

而割牲

制牲體爲俎實

執醬而饋

進食也

執爵而醕

食畢以滌

以冕而總于

總持于所立于舞位

所以教諸侯之弟也是故鄉

里有齒而老窮不遺。強不犯弱。衆不暴寡。此由太學來者也。

周禮地官大司徒以保息六養萬民。二曰養老。

夏官羅氏中春羅春鳥。出者蟄而始獻鳩以養國老。

臣按天子之養老有二。有國老有庶老。貴胄謂之國子。則貴而老者謂之國老。賤者謂之庶人。則賤而老者謂之庶老。羅氏獻鳩以養之者。國老也。司徒以保息養之者。庶老也。

漢明帝永平二年。帝帥羣臣養三老五更于辟雍。用其德行年耆高者一人爲老。次一人爲更。服都紵大

袍單衣皂綠領袖中承冠進賢杖五杖五更亦如之  
不杖皆齊于太學講堂其日乘輿先到辟雍禮殿御  
坐東廂遣使者安車迎三老五更天子迎于門屏交  
禮道上作階三老升自賓階至階天子揖如禮二老  
升東面三公設几九卿正履天子親袒割牲執醬而  
饋執爵而酌祝鯁在前祝膾在後五更南面公進供  
禮亦如之明日皆詣闕謝恩

### 崇師儒以重道

學記曰凡學之道嚴師爲難師嚴然後道尊道尊然  
後民知敬學是故君之所不臣於其臣者二當其爲

尸則弗臣也。當其爲師則弗臣也。大學之禮雖詔於天子無北面所以尊師也。

大戴禮武王踐祚召師尚父而問焉曰黃帝顓頊之道存乎意亦忽不可得見與師尚父曰在丹書王欲聞之則齊矣王齊三日王端冕師尚父亦端冕奉書而入負屏而立王下堂南面而立師尚父曰先王之道不北面王行西折而南東面而立師尚父西面道書之言曰敬勝怠者吉怠勝敬者滅義勝欲者從欲勝義者凶凡事不彊則枉弗敬則不正枉者滅廢敬者竭世王聞書之言惕若恐懼而儆戒書於席之四

端銘曰安樂必敬。無行可悔。一反一側亦不愆。不忘。  
殷監不遠。視而所代。凡銘曰皇皇惟敬。口口生口口。  
生口口。戕口口。鑑銘曰見爾前慮。爾後盤銘曰與其溺  
於人也。寧溺於淵。溺於淵猶可游也。溺於人不可抹  
也。楹銘曰母曰胡。殘其禍將然。母曰胡。害其禍將大。  
母曰胡。傷其禍將長。牖銘曰隨天之時。用地之財。敬  
祀皇天。敬以先時。劍銘曰帶之以爲服。動必行德。行  
德則興。悌德則萌。以士尊  
敬師儒

檀弓魯哀公誅孔丘曰天不遺耆老莫相予位焉。嗚  
呼哀哉尼父。

元帝時孔霸以帝師賜爵號褒成君奉孔子後

臣按後世封孔子子孫俾奉其後者始此

梅福上書于其君曰仲尼之廟不出闕里孔氏子孫不免編次以聖人而歆匹夫之祀非皇天之意也今陛下誠能據仲尼之素功以封其子孫則國家必獲其福又陛下之名與天亡極平帝元始初追謚孔子曰褒成宣尼公追封孔均爲褒成侯

臣按此孔子謚宣之始

光武建武五年幸魯使大司空祠孔子

章帝元和二年東巡守過魯幸闕里以大牢祠孔子

及七十二人作六代之樂大會孔氏男子二十以上者六十三人命儒者講論語帝謂孔僖曰今日之會於卿宗有光榮乎對曰臣聞明王聖主莫不尊師貴道今陛下親屈萬乘辱臨敝里此乃崇禮先師增輝聖德至於光榮非所敢承帝笑曰非聖者子孫焉有斯言乎遂拜僖郎中賜褒成侯指及孔氏男女錢帛魏文帝黃初二年詔曰其以議郎孔羨爲宗聖侯邑百戶奉孔子祀令魯郡修起舊廟置百戶吏卒以守衛之又於其外廣爲室屋以居學者

唐玄宗開元二十七年詔曰弘我王化在乎儒術能



發此道啓迪含靈則生人以來未有如夫子者也所謂自天攸縱將聖多能德配乾坤身揭日月故能立天下之大本成天下之大經美政教移風俗君君臣臣父父子子人到于今受其賜不其猗歟年祀漸遠靈光益彰雖代有褒稱而未爲崇峻不副於實人其謂何夫子旣稱先聖可追謚爲文宣王

臣按文宣王之謚始此

五代周太祖幸曲阜謁孔子祠旣奠將致敬左右曰仲尼人臣也無致敬之禮上曰文宣百代帝王師得無拜之卽拜奠於祠前

宋真宗咸平二年幸曲阜縣謁文宣王廟帝服韠袍  
詣廟酌獻廟內外設黃旄仗孔氏家屬陪列初有司  
定儀止肅揖帝特再拜又至墓奠拜追謚曰玄聖文  
宣王

臣按宋真宗幸闕里奠孔子有司定儀註止肅  
揖帝不從特行再拜禮可謂知禮矣然不服玄  
端而用韠袍況其所以至聖人之居者乃爲封  
禪之故非誠也其所加謚者用緯書異端之說  
至其改謚又因黥卒所言妖妄之神而避其諱  
要皆非禮之禮心旣不誠名又不正聖人在天

之靈其肯受之乎且孔子所以爲萬世帝王之師所重在道而不在爵位名稱曰王曰帝有與否皆不足以爲吾聖人之輕重也

臣按與其崇聖人以虛名孰若遵聖人以實理

唐玄宗謚聖人以文宣似矣然而麀聚瀆倫聖道安在宋真宗加聖謚以至聖似矣然僞作天

書聖道如何

以上褒崇先聖

政和三年封王安石爲舒王配享臨川伯王雱從祀

臣

按宣聖廟堂乃大公至正之所在豈容一毫

私意於其間而姦黨之徒乃敢欺天罔聖以扶

翼其惡黨以爲自己姦利之地時君可欺而聖人在天之靈其可欺乎

仁宗淳祐元年詔曰朕惟孔子之道自孟子後不得其傳至我朝周惇頤張載程顥程頤真見力踐深探聖域千載絕學始有指歸中興以來又得朱熹精思明辯表裏渾融使中庸大學語孟之書本末洞徹孔子之道益以大明于世詔令學宮列諸從祀以示崇獎之意又以王安石謂天命不足畏祖宗不足法人言不足恤爲世罪人豈宜從祖景定二年皇太子言乾淳間文公朱熹與宣公張栻成公呂祖謙志同道合

合切思講磨擇精語詳開牖後學誠有功於聖門三  
臣者俱嘗被詔追褒兼準御筆秩熹于從祀如栻如  
祖謙宜升從祀詔從之

元文宗加顏回爲兗國復聖公會參邾國宗聖公孔  
伋沂國述聖公孟軻鄒國亞聖公是歲始以董仲舒  
從祀

臣按焉我

聖祖開國之初首去揚雄之祀正統改元用言者  
從祀吳澄後又以胡安國蔡沈真德秀列在從  
祀此數儒者皆於經有發明之功故特祀之夫

從祀于孔子之廟堂者必其人於孔子之道有所合而無所愧然後可以與焉不輕與之所以重其事重其事所以重其道也

以上言褒祀先儒

文王世子天子視學大昕鼓徵所以警衆也衆至然後天子至乃命有司行事興也舉也秩也常也節也禮也祭先聖先師焉

漢明帝中元元年初建三雍親行其禮天子冠通天衣日月備法物之駕盛清道之儀袒割辟雍之上尊養老更饗射禮

唐高祖武德七年幸國子學親臨釋奠

太宗召天下純儒耆德以爲學官數臨幸觀釋菜命  
祭酒博士講論經義賜以帛廣學舍千二百區

宋太祖建隆元年正月幸國子監二月又幸四年四  
月又幸

太宗端拱元年幸國子監將出顧見講堂左右博士  
李覺方聚徒講書詔覺講易卦淳化五年又幸國子  
監召孫奭講堯典說命

哲宗元祐中幸國子監詣文宣王殿行釋奠禮御端  
化堂命祭酒豐稷講尚書無逸

按哲宗視國學或謂呂大防曰祖宗視學非

可與經祀  
龍宮餐並  
雖不朽

有爵命之賞則有金帛之賜今皆無之何也大  
防曰古者天子視學蓋常事也德意在焉小惠  
何足道哉

以上  
視學

謹好尚以率民

周書君陳篇王若曰爾惟風下民惟草

惟民生厚因物有遷違上所命從厥攸好爾克敬典  
在德時乃罔不變允升于大猷

君牙篇王若曰爾身克正罔敢弗正民心罔中惟爾  
之中

詩序曰羔羊鵲巢之功致也召南之國化文王之政



在位皆節儉正直德如羔小曰羊大曰羔也羔羊之皮所以素也絲五純以絲飾退食退朝而自公從公門爲裴素也絲五純裴之名

委蛇委蛇

自得之貌

臣按先儒謂此詩爲文王作人之效如春風和氣所在生輝故人才之所成就驗諸在野則赴赴之武夫公侯腹心觀諸在朝則委蛇之大夫節儉正直

禮記坊記子云善則稱親過則稱已則民作孝子云長民者朝廷敬老則民作孝

緇衣子言之曰爲上易事也爲上易知也則刑不煩

矣

子曰好賢如緇衣惡如巷伯則爵不瀆而民作愿

刑不試而民咸服大雅曰儀刑文王萬國

詩作邦

作孚

子曰下之事上也。不從其所令。從其所好。上好是物。下必有甚者矣。故上之所好惡。不可不慎也。是民之表也。

子曰上好仁。則下之爲仁爭先。人故長民者。章志貞教。尊仁以子愛百姓。民致行已以說其上矣。

子曰民以君爲心。君以民爲體。心莊則體舒。心肅則容敬。心好之。身必安之。君好之。民必欲之。心以體全。

亦以體傷君以民存亦以民亡

春秋左氏傳云子曰吾聞諸叔向曰好惡不愆民知所適事無不成

漢章帝時馬廖上疏曰昔元帝罷服官成帝御浣衣哀帝去樂府然而後費不息至於衰亂者百姓從行不從言也夫改政移風必有其本前下制度未幾後稍不行雖或吏不奉法良由慢起京師今陛下素簡所安發自聖性誠令斯事一竟則四海誦德聲薰天地神明可通況行令乎

矣

廣教化以變俗

周書君陳篇王曰君陳爾惟弘周公丕訓無依勢作威無倚法以削寬而有制從容以和

又曰爾無忿疾于頑無求備于一夫必有忍其乃有濟有容德乃大簡厥修亦簡其或不修進厥良以率其或不良

畢命王若曰嗚呼父師惟文王武王敷大德于天下用克受殷命惟周公左右先王綏定厥家悲殷頑民遷于洛邑密邇王室式化厥訓既歷二紀十二年世曰紀變風移四方無虞予一人以寧

臣按以周公之元聖輔佐文武之聖成王之賢

而一股民在京邑之近而又繼之以君陳以和  
其中歷三十六年之久世已變矣而後其風始  
移焉由是觀之民之難化可知矣然殷民在洛  
邑密邇王室其無虞度之事而曰四方者蓋一  
肢有疾而渾身爲之不寧一處有敝而四方爲  
之騷擾人君以一人之身而居四方之中四方  
之中苟一處之有事而四方咸爲之動勦矣民  
既不寧君身安得寧乎

又曰政貴有恒辭尚體要不惟好異商俗靡靡利口  
惟賢餘風未殄公其念哉我聞曰世祿之家鮮克由

禮以蕩陵德實悖天道敝化奢麗萬世同流茲殷服  
土席寵惟舊怙侈滅義服美于人驕溢矜侈將由惡  
終雖收放心閑之惟難

又曰資

資財也

富能訓惟以永年惟德惟義時乃大訓

不由古訓于何其訓王曰嗚呼父師邦之安危惟茲  
厥躬不剛不柔厥德允修

鄭子產爲政於鄭都鄙有章上下有服田有封洫廬  
井有伍人之忠儉者從而與之泰侈者因而斃之一  
年豎子不戲狎斑白不提挈童子不挈昧二年市不  
豫價三年門不夜閉道不拾遺四年田器不歸五年

士無尺籍喪期不令而治興人誦之曰我有子弟子產誨之我有田疇子產殖之子產而死誰其嗣之

漢文帝時賈誼上疏曰夫移風易俗使天下回心而

鄉同與鄉道類非俗吏之所能爲也俗吏之所務在於

刀筆筐篋而不知大體陛下又不自憂竊爲陛下惜

之豈如今定經制令君君臣臣上下有差父子六親

各得其宜此業一定世世常安而後有所持循矣若

夫經制不定是猶度江河亡同無維楫維以繫船楫以制船中流

而遇風波船必覆矣

武帝時嚴安上書曰今天下人民用財侈靡車馬衣

裘宮室皆競修飾調五聲使有節族雜五色使有文章重五味方丈於前以觀欲天下觀示之使其慕欲也彼民之情見美則願之是教民以侈也臣願爲民制度以防其淫使貧富不相耀以和其心心旣和平則盜賊消刑罰少陰陽和風雨時五穀蕃熟民不夭癘也

文翁爲蜀郡守仁愛好教化見蜀地僻陋有蠻夷風文翁欲誘進之乃選郡縣小吏開敏有才者親自飭勵遣詣京師受業博士數歲皆成就還歸文翁以爲右職又修起學宮於成都市中招下縣子弟爲學官弟子爲除更繇高者以補郡縣吏次爲孝弟力田吏



民榮之數年。爭欲爲學官弟子。富人至出錢以求之。繇是大化。蜀郡學者比齊魯焉。

韓延壽爲潁川太守。潁川多豪強。難治。延壽欲教以禮讓。恐百姓不從。乃歷召郡中長老爲鄉里所信向者數十人。設酒具食。親與相對。接以禮意。人人問以謹俗。民所疾苦。爲陳和睦親愛。銷除怨咎之路。長者皆以爲便。因與議定嫁娶喪祭儀品。略依古禮。不得過法。又令文學校官諸生。皮弁執俎豆。爲吏民行喪祭嫁娶禮。後入守左馮翊。恩信周徧。二十四縣莫敢以詞訟自言者。

黃霸爲潁川大守爲條教置父老師帥伍長頒行之  
於民間勤以爲善防姦之意霸力行教化而後誅罰  
務在成就全安長吏凡治道去其泰甚者爾以外寬  
內明得吏民心治爲天下第一天子下詔稱揚曰潁  
川太守霸宣布詔令百姓鄉化孝子弟弟貞婦順孫  
日以衆多出者讓畔道不拾遺養視鰥寡贍助貧窮  
獄或八年亡重罪囚吏民鄉于教化興於行誼可謂  
賢人君子矣書不云乎股肱良哉其賜爵關內侯黃  
金百斤以風二千石而潁川孝弟有行義民三老力  
田皆以次賜爵及帛後數月徵霸爲太子太傅遷御

史大夫

臣按漢去三代未遠其君之求治臣之爲治皆有古遺意後世則惟以簿書財賦爲急未聞有及教化者矣雖有其言亦無其實爲吏者固不暇於教化萬有一焉不罹於文法幸矣況望增秩賜金徵入朝以爲顯官哉

卓茂爲密令勞心諄諄視民如子舉善而教口無惡言吏人親愛而不忍欺之茂曰律設大法禮順人情今我以禮教汝汝必無怨惡以律治汝汝何所措其手足乎一門之內小者可論大者可殺也

魯恭爲中牟令專以德化爲理不任刑罰邑人許伯等爭田累守令不能決恭爲平理曲直皆退而自責輟耕相讓、

秦彭遷山陽太守以禮訓人不任刑罰崇尚儒雅敦明庠序每春秋饗射輒修升降揖遜之儀乃爲人設四誠以定六親長幼之禮有遵奉教化者擢爲鄉三老常以八月致酒肉以勸勉之吏有過咎罷遣而已不加耻辱百姓懷愛莫有欺犯後轉潁川太守肅宗巡狩再幸潁川輒賞賜恩寵甚異

許荆爲桂陽太守郡濱南州風俗脆薄不識學義荆

爲設喪紀婚姻制度使知禮禁律行春到來陽縣民  
有蔣均與其弟爭財互相言訟判對之歎曰吾荷國  
重任而教化不行咎在太守乃顧使吏上書陳狀乞  
詣廷尉均兄弟感悟各求受罪在任十二年父老稱  
歌徵拜諫議大夫

仇覽爲遂亭長勸人生業爲制科令至於果菜爲限  
雞豕有數農事旣畢乃令子弟羣居還就黌學其剽  
輕游恣者皆役以田桑嚴設科罰躬助喪事賑卹窮  
寡暮年稱大化覽初到亭人有陳元者獨與母居而  
母請覽告元不孝覽驚曰吾近日過元舍廬落整頓

耕耘以時此非惡人當是教化未至耳母守寡養孤苦身投老奈何肆忿於一朝欲致子以不義乎母聞感悔涕泣而去覽乃親到元家與其母子飲因爲陳人倫孝行譬以禍福之言元卒成孝子。

任廷爲九真太守駱越之民無嫁娶禮法延乃移書屬縣各使男年二十至五十女年十五至四十皆以年齒相配其貧無禮聘令長吏以下各省俸祿以賑助之同時娶者二千餘人是歲風雨順節穀稼豐衍吏民爲立祠後拜武威太守首除暴害吏民累息卽造爲學宮自掾吏子孫皆令詣學受業復其徭役章

句。既通。悉顯拔榮進之。郡。逐有儒雅之士。

齊藕瓊爲南清河太守。有百姓乙普明兄弟爭田積年不斷。各相援據。乃至百人。瓊召普明兄弟諭之曰。天下難得者兄弟。易求者田地。假令得田地。失兄弟。心如何。因而下淚。諸證人莫不灑泣。普明兄弟叩頭乞外。更思分異。十年遂還同住。

後魏封回爲安州刺史。山民愿朴。父子賓旅同寢。一室回下車。勸令別處。其俗遂改。

清河王勵爲楚州刺史。城北有伍子胥廟。其俗敬鬼祈禱者。必以牛酒至。破產業。勵歎曰。子胥賢者。豈宜。

損百姓。乃告諭所部自此遂止。

隋梁彥光爲相州刺史時人情險詖妄起風謠彥光欲革其弊用秩俸招致山東大儒每鄉立學非聖誓之書不得教受常以季月召集親臨策試有勤學異等聰明有聞者升堂設饌其餘竝坐廊下有好爭訟情業無成者坐之庭中設以草具及大比當舉行賓貢之禮祖送郊外資以財物於是人皆勸勵風俗大改

唐高士廉爲益州長史蜀土俗薄畏鬼而惡疾父母病危殆不躬扶持杖頭掛食還以哺之兄弟異財罕



通假借士廉隨方勸誘有不悛者親率官吏詣門勸  
諭由是邑里翕然多爲孝弟兼命儒生講論墳典勉  
勵後進教化復興

韓愈爲潮州刺史下牒請置鄉校云孔子曰道之以  
政齊之以刑民免而無耻不如以德禮爲先而輔以  
政刑也欲用德禮未有不由學校師弟子者此州學  
廢日久進士明經百十年間不聞有業成貢於王庭  
試於有司者人吏目不識鄉飲酒之禮耳未嘗聞鹿  
鳴之歌忠孝之行不勸亦縣之耻也趙德秀木沈雅  
專靜頗通經有文章能知先王之道論說且排異端

而宗孔氏可以爲師矣。請攝海陽縣尉爲衝推官專  
勾當州學以督生徒興愷悌之風。刺史出已俸百千  
以爲學俸收其贏餘以給學生厨饌。自此潮人日趣  
文學立祠祀之。

常衮爲福建觀察使設立鄉校使學者作爲文章親  
加講導與爲客主均禮觀游宴饗與焉。由是風俗一  
變歲得貢士甚盛。後衮卒閩人以衮配享于學宮。  
宋韓琦知并州河東俗雜羌夷用火塋琦爲買田封  
樹刻石著令使得塋於其中人遂以焚屍爲耻。

臣按自古中國無焚屍之俗至佛氏以夷狄入

中國始有之爲人子者乃忍其親之體魄付之  
烈焰不孝之罪莫大焉琦爲郡獨能禁之今此  
風猶行民習成俗非嚴刑痛禁之不能止請著  
爲令有犯禁者以毀傷父母律問罪并坐其舉  
火之人是亦崇孝道美風俗之一端

程顥爲晉城令民以事至邑者必告之以孝弟忠信  
度鄉村遠近爲保伍使之力役相助患難相恤孤寡  
殘廢者責之親黨使無失所行旅出其途者疾病皆  
有所養諸鄉皆有校暇時親召父老與之語兒童所  
讀書爲正其句讀教者不善則爲易置俗始甚野不

知爲學乃擇子弟之秀者聚而教之鄉民爲社會爲立科條旌別善惡使有勸有耻在縣三歲民愛之如父母

朱熹知漳州以習俗未知禮采古喪葬嫁娶之儀揭以示之命父老解說以教子弟土俗崇信釋氏男女聚僧廬爲傳經會女不嫁者爲庵舍以居熹悉禁之余仲寬宰劍之順昌時閩俗生子多者至三四子則率皆不舉爲其貲產不足以贍也若女則不待三往往溺之建劍尤甚仲寬乃作戒殺子文召諸鄉父老爲人信服者列坐廳下以俸置醪醴親酌飲之出其

文使歸勸其鄉人無得殺子歲月間活者以十計轉  
運判官曹輔上其事朝廷嘉之就改仲寬一官仍令  
再任復爲立法推行一路

臣按溺子之俗至今浙東爲甚請自今有除爲  
浙東守令者考滿上課必書云自到任之後民  
竝無溺子者如有不實坐降一級如此則民間  
舉子必多戶口日增是亦仁政之大端也

嚴旌別以示勸

周書畢命曰旌別淑善慝惡表厥宅里彰善癉病惡  
樹之風聲弗率訓典殊厥也井疆俾克畏慕

禮記王制曰上賢以崇德簡不肖以紬惡命鄉簡不  
師教者以告耆老皆朝于庠元日習射上功習鄉上  
齒大司徒師國之俊士與執事焉不變命國之右鄉  
簡不帥教者移之左命國之左鄉簡不帥教者移之  
右如初禮不變移之郊如初禮不變移之遂如初禮  
不變屏之遠方終身不齒

緇永子曰有國家者章明善癉病惡以示民厚則民  
情不貳

又曰故君民者章好以示民俗慎惡以御民之淫則  
民不惑矣

臣按後世凡有孝子烈婦則旌表其門而爲盜竊屢犯不入者則異其門而以爲警是亦得古人章好慎惡之意也

殊服并禮  
如此

漢明帝永平三年荊州刺史郭賀有殊政明帝賜以三公之服黼黻冕旒敕行部去幘帷使百姓見其容服以章有德

臣按明帝之於郭賀賜之以所不當得之章服所以表其有殊政也一時官聯見而聞之寧不惕然悚忻然慕乎

沛鄉長卿妻桓氏夫卒防遠嫌疑子又夭歿桓氏慮

陽貴山商  
四十五

不免乃豫割其耳以自誓沛相王吉上奏高行旌其門閭號曰行義桓癸

臣按前代旌表節婦不止一桓癸見於史傳者此其始也載之以見帝王旌表節婦之實

隋文帝以田德懋有孝行降璽書褒之曰皇帝謝田德懋知在窮疾哀毀過禮倚廬墓所負土成墳朕以孝治天下思弘名教復與汝通家情義素重有聞孝感嘉歎兼深春日暄和氣力何似宜自抑割以禮自存也并賜縑二百段米百石詔表其門閭

臣按前代表孝子門閭非一而特紀德懋者以



隋文帝有璽書褒之也

唐張公藝九世同居北齊隋唐皆旌表其門高宗封泰山車駕幸其家

宋萊州民徐承珪幼失父母與兄弟三人及其族三十口同甘藜藿衣服相讓歷四十年不改其操所居鄉水連理瓜異蔓同實有司以聞太祖詔改鄉名義感里名和順

江州民陳兢其先世仕唐有爲江州長史者益置田園爲家法戒子孫擇羣從掌其事建書堂教誨之僖宗嘗詔旌其門南唐爲立義門宋初免其徭役太宗

時以其家食不足每歲貸與之粟真宗時官其主家者爲州助教

舉贈謚以勸忠

禮記表記子曰先王謚以尊名節以壹專也惠善也耻名之浮於行也

方慤曰生則有名死則有謚謚則諱其名矣故曰謚以尊名夫謚以誅行而爲之然行不一也謚有所不勝言特以所隆者之一端而爲之節爾故曰節以壹惠若文王之爲文武王之爲武此皆壹惠之道也行雖多而節之以惠則名不浮於行矣

按周人卒哭而諱將諱而謚是謚三代以來  
已有之生有名死有謚名乃生者之辨謚乃死  
者之辨生者之名以辨其人死者之謚則節其  
一德以爲稱而諱其名也

郊特牲死而謚今也古者生無爵死無謚

陳澧曰死而有謚今之變禮也殷以前大夫以上  
乃爲爵死則有謚周制雖爵及命士死不謚也  
前禮已孤暴貴不爲父作謚

呂大臨曰父之爵不當謚以已爵當謚而作之是  
以已爵加其父欲尊而反卑之非所以敬其父也

陳澧曰文王雖爲西伯、不爲古公王季作謚周公成文武之德、亦不敢加太王王季以謚也。

臣按元世於凡追封其臣之父祖皆加以謚是雖夷狄之君不知禮亦一時臣僚不學之過也。旣葬見天子曰類、見言謚曰類。

鄭玄曰類猶象也。

臣按先儒言謚曰類、當爲誅謂誅而謚之也。

檀弓公叔文子卒其子戌請謚於君曰日月有時將葬矣請所以易其名者君曰昔者衛國凶饑夫子爲粥與國之饑者是不亦惠乎昔者衛國有難夫子以

其死衛寡人不亦貞乎夫子聽衛國之政修其班制以與四鄰交衛國之社稷不辱不亦文乎故謂夫子貞惠文子

陳澧曰大夫士三月而葬有時猶言有數也死則諱其名故謂之謚所以代其名也貞惠文此三字爲謚而惟稱文子者鄭云文足以兼之

按自古謚皆請於君春秋之世猶然後世始以屬有司我

朝始復古制凡大臣有功德於世者其謚皆自上賜云

尹焯曰謚法最公以成周之時其子孫自以幽厲  
淵爲謚此孝子慈孫所以不能改也

臣按謚法捐位亂常曰幽殺戮無辜曰厲二君  
者周之天子繼其世者其臣子也乃敢以惡謚  
而加之於君父豈春秋爲尊者親者諱之謂哉  
蓋君之謚則稱天以誅之臣之謚則請君以賜  
之君之臣子雖欲私其君父如天理何臣之子  
孫雖欲私其父祖如君法何先王謚法最公秦  
人以爲臣議君子議父而除去之鄭樵謂以謚  
易名名尚不敢稱況可加之以惡乎失古意矣

史記謚法解惟周公旦太公望開嗣王業建功于牧  
野終將莖乃制謚遂叙謚法謚者行之迹號者功之  
表車服者位之章也是以大行受大名細行受細名  
行出於已名生於人

臣按謚法不見於五經其書見於世者有周公  
謚法有春秋謚法有廣謚有今文尚書有大戴  
記有世本有獨斷有劉熙之書有來輿之書有  
沈約之書有賀琛之書有王彥威之書有扈冕  
之書有扈蒙之書有蘇海之書皆漢魏以來儒  
者取古謚法而釋以已說而各爲之法也其說

不一有一謚而取義數端。臣愚以爲古今異宜。請自今節惠定謚者。本於古法而參酌以今世之所宜。庶不悖於古。而於今人之聽聞不惑云。

晉賈克老病自憂謚。傳從子謨曰。是非久自見。不可掩也。克卒。以外孫爲嗣。太常議謚。博士秦秀曰。克悖禮溺情。以亂大倫。昔鄒養外孫莒公子爲後。春秋書莒人滅鄒。絕父祖之血食。開朝廷之亂原。案謚法。昏亂紀度曰荒。請謚荒。公帝不從。更謚曰武。

臣按充姦回弑逆。謚之以荒。固爲幸矣。而武帝曲加以美謚。然後世不因武帝之謚。遂以克爲



善人賈模謂是非久自見不可掩信哉斯言

明帝贈譙王承戴淵周顒等官周札故吏爲札訟寬  
尚書卞壺議以爲札開門延寇不當贈謚王導以爲  
往年敦姦逆未彰臣等皆所未悟與札無異旣悟其  
姦札便以身許國尋取梟夷宜與周戴同例却鑒以  
爲周戴死節周札延寇事異賞均何以勸沮

臣按周札始雖延寇終則死職其於贈典在乎  
可否之間雖以明帝寇亂之餘偏安一隅而於  
一臣之贈典而羣臣猶且執議如此後世則顧  
其死者之情故何如生者之顯晦有無而已雖

有贈謚不足以爲勸沮

北魏鄭義爲西兗州刺史貪鄙納女爲嬪徵爲秘書  
監及卒尚書謚曰宐詔曰蓋棺定謚激濁揚清義雖  
夙有文業而治闕廉清尚書何乃情遺至公愆違明  
典依謚法博聞多見曰文不勤成名曰靈改謚文靈  
唐許敬宗卒袁思古議敬宗棄長子於荒徼嫁少女  
於夷狄按謚法名與實爽曰繆謂謚爲繆敬宗孫彥  
伯訟思古與許氏有怨請改謚王福時議以爲謚者  
得失一朝榮辱千載若嫌隙有實當據法推繩如其  
不然義不可奪

臣按許敬宗奏流其子昂於嶺南又以女嫁蠻  
酋馮盎之子多納其貨故思古議及之然此猶  
非其罪之大者若論其贊高宗立嬖后殺忠良  
之罪謚之以繆猶爲幸矣當時戴至德謂王福  
疇曰高陽公任遇如是何以謚之爲繆對曰昔  
何曾旣忠且孝徒以日食萬錢秦秀謚之曰繆  
許敬宗忠孝不加於曾而飲食男女之累過之  
謚之曰繆不負許氏矣當咸亨中昏主臨朝而  
臣下猶斤斤執法持論如此雖其任遇之臣略  
不肯少有假借其謚雖終於改易然載其事於

史千載猶一日也士君子立身創行可不謹哉  
唐楊綰卒太常謚文貞或謂其與元載交游嘗爲載  
薦太常謚不當

故相呂諲卒獨孤及議謚曰肅嚴郢駁謚加以忠肅  
及重議曰周道衰孔子作春秋而亂臣賊子懼謚法  
亦春秋之微旨也在懲惡勸善不在哀榮在議美惡  
不在字多周公殺三監誅淮夷晉重耳一戰而霸諸  
侯武功盛矣而皆謚曰文以冀缺之恪德臨事審餘  
之忠於其國其文德豈不優乎而竝謚曰武固知書  
法者必稱其大而略其細故言文不言武言武不言

文三代以下。樸散禮壞。乃有二字之謚。非古也。其源  
生於襄周。施及戰國之君。漢興。蕭何張良霍去病霍  
光俱以文武大略佐漢致太平。其事業不一。謂一名  
不足以紀其善。於是乎有文終文成景桓宣成之謚。  
雖瀆禮甚矣。然猶褒不失人。唐興。參用周漢之制。謂  
魏徵以王道佐時。近文直。言極諫。愛若而忘身。近貞。  
二德並優。廢一莫可。故曰文貞。謂蕭瑀端直。鯁亮。近  
貞。性多猜貳。近褊。言褊則失其審。正稱貞則遺其悛。  
狹非一言所能名。故曰貞褊。若迹無殊途。事歸一貫。  
則直以一字目之。故杜如晦謚成。王珪謚懿。陳叔達

謚忠溫彥博謚恭此竝當時赫赫以功名居宰相位者謚不過一字不聞其子孫佐吏有以字少稱屈者由此言之二字不必爲褒一字不必爲貶

宋仁宗朝夏竦卒贈太師中書令特賜謚文正司馬光言謚者行之迹也行出於已名生於人所以勸善沮惡不可私也謹按令文諸謚王公及職事官三品以上皆錄行狀申省議定奏聞所以重名實示至公也今不委之有司繫以公議定謚於中而後宣示於外臣謂宜擇中流之謚使與行實粗相應者賜之亦非羣臣所敢議也今乃謚以至美無以復加之謚如

竦者豈易克當光又言竦得此謚不知復以何謚待天下之正人良士況天下之人皆知竦爲大邪雖謚之以正不足掩竦之惡而適傷國家之至公耳

臣按宋以前人臣無謚文正者文正卽唐之文貞宋人避諱易貞爲正盡謚之最美者也宋仁宗以竦東宮舊臣特賜以此謚光上疏以爲竦不足以當此謚因改謚文莊其後光薨卒得是謚真無忝矣乎

仁宗朝陳執中卒知太常禮院韓維上謚議曰皇祐之末天子以後宮之喪問所以塋祭之禮執中位爲

上相不能總率羣司考正儀典以承答天問而治理  
皇儀非嬪御之禮追冊位號於宮闈有嫌建廟用樂  
踰祖宗舊制遂使聖朝大典有非禮之舉此不忠之  
大者宰相所當秉道率禮以弼天子正身率家以儀  
百官執中不務出此而方杜門深居謝絕賓客曰我  
無私也我不黨也豈不陋哉謹按謚法寵祿光大曰  
榮不勤成名曰靈執中出自宰相以一品就第可謂  
寵祿光大矣得位行政不爲不逢死之日賢士大夫  
無述焉可謂不勤成名矣請合二法謚曰榮靈

臣按韓維上陳執中謚議而責以居大臣不能



正典禮之失以爲其不忠之罪而謚以榮靈嗚呼使此議行則凡爲臣子者生前所爲雖或僥倖以免王庭之誅然身歿之後公議凜然終不可掩人生不滿百寵榮富貴之日不過三五年耳而不美之謚播於人口錄之史冊殆至千萬年而無窮是則謚法之行其爲世教之助益亦非淺淺也世主往往矐於所好而自敗其彝典何不思之深哉

神宗時太子太師致仕歐陽修卒尚書省移太常請謚李清臣爲謚議曰公爲聖世賢臣一世學者所師

法明於道德見於文章究覽六經述作數十百萬言以傳先王之遺意方天下溺於末習爲章句聲律之時聞公之風一變爲古文咸知趨尚根本太師之功於教化治道爲最多真可謂文矣考按謚法唐韓愈李翱權德輿孫逖宋楊億皆謚文太師宜以文謚然公常叅天下政事進言仁宗乞早下詔立皇子使有明名定分以安人心及兩預定策謀有安社稷功謚法道德博聞曰文廉方公正曰忠不改於文而傳之以忠議者之盡也請謚文忠

寧宗慶元六年京鏜卒賜謚文穆旣而其子請避家

諱改文忠言者以爲楊意巨儒旣諡曰文議欲加一忠字竟不之與夫欲加以一字猶且不可况二字俱欲極美乎望敕攸司自今諡議務當其實其或不然當推以法以選舉不實論若定諡已下其子孫請再更易者以違制論從之

臣按唐宋議諡掌於太常博士凡於法應得諡者考其行狀撰定諡文移文吏部考功郎中覆定之

本朝雖設太常博士而不掌諡議洪武初惟武臣有諡至永樂中文臣始有諡蓋自姚廣孝等

官始也。自後文臣亦多有之。然我朝之謚皆出于恩賜。然臣竊以謂

九重之上。於臣下之賢否未易盡知。請自今以後有應得謚者。未恩賜之先。先下攸司。俾其考訂以聞。然後從中賜下。

八編類纂卷之五十

右編

六曹類

禮曹

臣湯承制以郊事問故膠西相仲舒臣仲舒對曰所聞古者天子之禮莫重於郊郊常以正月上辛日者所以先百神而最居前禮三年喪不祭其先而不敢廢郊郊重於宗廟天尊於人也

董仲舒郊祀對

臣聞郊紫壇饗帝之義掃地而祭上質也歌大呂舞雲門以俟天神歌大簇舞咸池以俟地祇其牲用犢

其席藁稽其器陶匏皆因天地之性貴誠上質不敢  
修其文也以爲神祇功德至大雖修精微而備庶物  
猶不足以報功唯至誠爲可故上質不飾以章天德  
紫壇僞飾女樂鸞路駢駒龍馬石壇之屬宜皆勿修

正簡議

郊廟

臣聞周室旣衰四夷並侵獫狁最彊於今匈奴是也  
至宣王而伐之詩人美而頌之曰薄伐獫狁至於太  
原又曰嘽嘽焞焞如霆如雷顯允方叔征伐獫狁荆  
蠻來威故稱中興及至幽王犬戎來伐殺幽王取宗  
器自是之後南夷與北夷交侵中國不絕如綫春秋

紀齊桓南伐楚北伐山戎孔子曰微管仲吾其被髮左衽矣是故弃桓之過而錄其功以爲霸首及漢興冒頓始彊破東胡禽月氏并其土地地廣兵彊爲中國害南越尉佗總百越自稱帝故中國雖平猶有四夷之患且無寧歲一方有急三面救之是天下皆動而被其害也孝文皇帝厚以貨賂與結和親猶侵暴無已甚者興師十餘萬衆近屯京師及四邊歲發屯備虜其爲患久矣非一世之漸也諸侯郡守連匈奴及百粵以爲逆者非一人也匈奴所殺郡守郡尉掠取人民不可勝數孝武皇帝愍中國罷勞無安寧之

時乃遣大將軍驃騎伏波樓船之屬南滅百粵起七  
郡北攘匈奴降昆邪十萬之衆置五屬國起朔方以  
奪其肥饒之地東伐朝鮮起玄菟樂浪以斷匈奴之  
左臂西伐大宛并三十六國結烏孫起敦煌酒泉張  
掖以鬲婼羌裂匈奴之右臂單于孤特遠遁於幕北  
四垂無事斥地遠境起十餘郡功業既定廼封丞相  
爲富民侯以大安天下富實百姓其規模可見又招  
集天下賢俊與協心同謀興制度改正朔易服色立  
天地之祠建封禪殊官號存周後定諸侯之制永無  
逆爭之心至今累世賴之單于守藩百蠻服從萬世



之基也中興之功未有高焉者也高帝建大業爲太祖孝文皇帝德至厚也爲文太宗孝武皇帝功至著也爲武世宗此孝宣帝所以發德音也禮記王制及春秋穀梁傳天子七廟諸侯五大夫三士二天子七日而殯七月而葬此喪事尊卑之序也與廟數相應其文曰天子三昭三穆與太祖之廟而七諸侯二昭二穆與太祖之廟而五故德厚者流光德薄者流卑春秋左氏傳曰名位不同禮亦異數自上以下降殺以兩禮也七者其正法數可常數者也宗不在此數中宗變也苟有功德則宗之不可預爲設數故於殷

太甲爲太宗太戊爲中宗武丁曰高宗周公爲無逸之戒舉殷三宗以勸成王繇是言之宗無數也然則所以勸帝者之功德博矣以七廟言之孝武皇帝未宜毀以所宗言之則不可謂無功德禮記祀典曰夫聖王之制祀也功施於民則祀之以勞定國則祀之能救大災則祀之竊觀孝武皇帝功德皆兼而有焉凡在於異姓猶將特祀之況於先祖或說天子五廟無見文又說中宗高宗者宗其道而毀其廟名與實異非尊德貴功之意也詩云蔽芾甘棠勿剪勿伐召伯所爰思其人猶愛其樹况宗其道而毀其廟乎迭

毀之禮自有常法無殊功異德固以親疏相推及至祖宗之序多少之數經傳無明文至尊至重難以疑文虛說定也孝宣皇帝舉公卿之議用衆人之謀既以爲世宗之廟建之萬世宣布天下臣愚以爲孝武皇帝功烈如彼孝宣皇帝崇立之如此不宜毀上覽其議而從之制曰太僕舜中壘校尉歆議可劉歆毀廟議聖王制禮取法於天故尊卑之禮明則人倫之序正人倫之序正則乾坤得其位而陰陽順其節人主與萬民俱蒙祐福尊卑者所以正天地之位不可亂也今定陶共皇太后共皇后以定陶共皇爲號者母從

子妻從夫之義也。欲立官置吏車服與太皇太后並。非所以明尊卑亡二上之義也。定陶共皇號謚已前定。義不得復改。禮父爲士子爲天子祭以天子其尸服以士服。子亡爵父之義尊父母也。爲人後者爲之子。故爲所後服斬衰三年。而降其父母朞。明尊本祖而重正統也。孝成皇帝聖恩深遠。故爲共王立後奉承祭祀。令共皇長爲一國。太祖萬世不毀。恩義已備。陛下旣繼體先帝。持重太宗。承宗廟天地社稷之祀。義不得復奉定陶共皇祭入其廟。今欲立廟於京師。而使臣下祭之。是無主也。又親盡當毀。空去一國太

晉明帝時  
 漢廟始建  
 舊多關  
 或以惠懷  
 二帝應各  
 為世則賴  
 尺世數過  
 七宜在迭  
 經事下太  
 帝後上議

祖不墮之祀而就無主當毀不正之禮非所以尊厚  
 共皇也師凡共皇立廟議

禮兄弟不相為後不得以承代為世殷之盤庚不序  
 陽甲漢之光武不繼成帝別立廟寢使臣下祭之此  
 前代之明典而承繼之著義也惠帝無後懷帝承統  
 弟不後兄則懷帝自上繼世祖不繼惠帝當同殷之  
 陽甲漢之成帝議者以聖德冲遠未便收舊茲如此  
 禮通所未論是以惠帝尚在太廟而懷帝復入數則  
 盈八盈八之理由惠帝不出非上祖宜遷也下世既  
 升上世乃遷遷毀對代不得相通未有下升一世而

惠懷兄弟  
不得各為  
一世也

唐書卷四  
卷四十八  
卷四十九  
卷五十

上毀二世者、惠懷二帝、俱繼世祖、兄弟旁親、同為一  
世、而上毀二為一世、今以惠帝之崩、已毀豫章、懷帝  
之入、復毀潁川、如此、則一世再遷、祖位橫折、求之古  
義、未見此例、惠帝宜出、尚未輕論、况可輕毀一祖、而  
無義例乎、潁川既無可毀之理、則見神之數、居然自  
八、既有八神、則不得不於七神之外、權安一位也、至  
尊於惠懷、俱是兄弟、自上後世祖、不繼二帝、則二帝  
之神、行應別出、不為廟中恒有八室也、資通惠懷廟  
制述毀議  
禮、天子七廟、尊始封君曰太祖、百代不遷、始祖無聞  
焉、殷自玄王至湯、周后稷至武王、皆出太祖、後合食

諸七室以  
武昭王  
為始祖太  
常奉禋廟  
張齊賢上  
議

漢景  
帝皇后

有序景皇帝始封唐實為太祖以世數近故尚在昭  
穆今乃上引武昭王為始祖異乎殷周之本尚稷也  
高稷興祚景皇帝是也昭王國不世傳後嗣失守景  
帝實始封唐子孫是承若近捨唐遠引涼不見其可  
且魏不祖曹參晉不祖司馬卬宋不祖楚元王齊梁  
不祖蕭何陳隋不祖胡公楊震今謂昭王為祖可乎  
漢以周郊后稷議欲郊堯杜林以為周興自后稷漢  
未特起功不緣堯卒不果郊武德初定去昭王尤近  
不託祖者不可故也今而立之非祖宗意

張齊賢議  
始祖廟

廟必有配一帝一后禮之正也昭成皇后有太姒之

祔唐宗室  
又欲昭明  
皇后升升  
為貞節上  
奏

唐宗室  
和祥也

德宜升配睿宗。肅明皇后既非子貴，宜在別廟。周人奏夷則歌，小呂以享先妣。先妣姜嫄也。以生后稷，故特立廟曰閼宮。晉簡文帝、鄭宣皇后不配食，築宮於外，以歲時致享。肅明請準周姜嫄、晉宣后納主別廟，時享如儀。於是留主儀坤廟，詔隸太廟。明陳貞節，請皇后配廟。請以中宗為別廟。大裕則合食太祖，奉睿宗繼高宗，則祿獻永序。詔可。乃奉中宗別廟，升睿宗為第七室。五年，太廟壞，天子舍神主太極殿，營新廟，素服避正寢三日不朝。猶幸東都伊闕，男子孫平子上書曰：「乃正月太廟毀，此躋二帝之驗也。」春秋君薨，卒哭而祔。



祔而作主特祀於主。烝嘗禘於廟。今皆違之。魯文公之二年躋僖於閔上。後太室壞。春秋書其災。說曰。僖雖閔兄。嘗爲之臣。臣居君上。是謂失禮。故太室壞。且兄臣於弟。猶不可躋。弟嘗臣兄。乃可躋乎。莊公薨。閔公二年而禘。春秋非之。况大行夏崩而太廟冬禘。不亦亟乎。太室尊所若曰。魯自是陵夷。墮周公之祀。太廟今壞。意者其將陵夷。墮先帝之祀乎。陛下未祭孝和先祭太上皇。先臣後君。昔躋兄弟上。今第先兄祭。昔太室壞。今太廟毀。與春秋正同。不可不察。武后篡國。孝和中興有功。今內主別祠。不得列於世。亦已薄。

矣夫功不可弃君不可下長不可輕且臣繼君猶子  
繼父故禹不先鯀周不先不窋宋鄭不以帝乙厲王  
不肖猶尊之也况中興邪晉太康時宣帝廟地陷梁  
折又三年太廟殿陷而及泉更營之梁又折天之所  
譴非必朽而壞也晉不承天故及於亂臣謂宜遷孝  
和還廟何必違禮下同魯晉哉帝語宰相召平子與  
博士詳論博士護前言合軋平子平子援經辨數分  
明獻等不能屈蘇頌右博士故平子坐貶都城尉然  
諸儒以平子孤挺見迂於禮官不平帝亦知其直久  
不決然卒不復中宗於廟

陳貞節論  
兄弟入廟

廟主宗門  
元時有教  
復主敬廟  
為義宗祠  
作大匠事  
漢士言

唐德宗即  
位初玄宗  
肅宗既祔  
聖廟祔於  
二祖于西  
夾室引太  
祖位東鄉  
禮儀使于  
休烈議獻  
於廟尊于

臣聞王者制禮是曰規模規模之興實由師古師古  
之道必也正名孝敬皇帝位止東宮未嘗南面聖道  
誠冠於儲副德教不被於寰瀛立廟稱宗恐非合禮  
况別起寢廟不入昭穆稽諸祀典何義稱宗而廟號  
義宗韋廉敗義宗廟號書  
春秋之義毀廟之主陳于太祖未毀廟之主合食於  
祖無毀廟遷主不享之言唐家祀制與周異周以后  
稷為始封祖而毀主皆在后稷下故太祖東向常統  
其尊司馬晉以高皇太皇征西四府君為別廟大禘  
祫則正太祖位無所屈別廟祭高太以降所以敘親

太祖若合  
食則太祖  
位不得正  
諸藏二祖  
神主以太  
宗中宗奉  
三肅宗從  
世祖南向  
唐宗玄宗  
從高祖北  
向禘祫下  
及二祖凡  
十八年建  
中初代宗  
喪畢當大  
祫京以大  
常博上上

也。唐家宜別爲獻懿二祖立廟。禘祫則祭。太祖遂正  
東向位。德明興聖二帝向已。有廟則藏祔二祖爲宜。  
詔百官皆議禮儀。使太子少師顏真卿曰。今議者有  
三一謂獻懿親遠而遷。不當祫。宜藏主西室。二謂二  
祖宜祫食。與太祖並昭穆。缺東向位。三謂引二祖祫  
禘。卽太祖永不得全其始。宜以二主祔德明廟。雖然  
於人神未厭也。景帝旣受命始封矣。百代不遷矣。而  
又配天尊無與上。至禘祫時。暫屈昭穆以申孝尊先  
實明神之意。所以教天下之孝也。况晉蔡謨等有成  
議。不爲無據。請大祫享。奉獻主東向。懿主居昭景主

居穆重本尚順爲萬代法夫祫合也有如別享德則  
是乃分食非合食也時議者舉然於是還獻懿主祫  
於廟如真卿議吏部郎中柳冕等十二人議曰天子  
以受命之君爲太祖諸侯以始封之主爲祖故自太  
祖以下親盡迭毀洎秦滅學漢不暇禮晉失宋因  
故有連王廟之制有虛太祖之位且不列昭穆非所  
謂有序不建迭毀非所謂有殺連王廟非所謂有別  
虛太祖位非所謂一尊此禮所由廢也傳曰父爲士  
子爲天子祭以天子葬以士今獻懿二祖在唐未受  
命時猶士也故高祖太宗以天子之禮祭之而不敢

奉以東向位今而易之無乃亂先帝序乎周有天下  
追王大王王季以天子禮及其祭則親盡而毀漢有  
天下尊太上皇以天子之禮及祭也親盡而毀唐家  
追王獻懿二祖以天子禮及其祭也親盡而毀復何  
所疑周官有先公之祧先王之祧先公遷主藏后稷  
之廟其周末受命之祧乎先王遷主藏文武之廟其  
周已受命之祧乎故有二祧所以異廟也今自獻而  
下猶先公也自景而下猶先王也請別廟以居二祖  
則行周適復古制便工部郎中張薦等請自獻而降  
悉入昭穆虛東向位司勳員外郎裴樞曰太祖之出

復追尊焉。則尊祖之義乖。太廟之外別祭廟焉。則社稷不重。是時京以考功員外郎。又言與聖皇帝則獻之曾祖懿之高祖。以曾孫祔高曾之廟。人情大順也。國子四門博士韓愈質衆議。自申其說曰。一謂獻懿二主宜永藏夾室。臣不謂可。且禮祫祭毀主皆合食。今藏夾室。至祫得不食太廟乎。若二祖不預。不謂之合矣。二謂兩主宜毀而瘞之。臣不謂可。禮天子七廟一壇一墠。遷主皆藏於祧。雖百代不毀。祫則太廟享焉。魏晉以來。始有毀瘞之議。不見於經。唐家立九廟。以周制推之。獻懿猶在。壇墠可毀瘞而不禘祫乎。三

謂二祖之主宜各遷諸陵臣不謂可二祖享太廟二  
百年一日遷之恐眷顧依違不卽享於下國四謂宜  
奉主祔興聖廟而不禘祫臣不謂可禮祭如在景皇  
帝雖太祖於獻懿子孫也今引子東向廢父之祭不  
可爲典五謂獻懿宜別立廟京師臣不謂可凡禮有  
降有殺故去廟爲祧去祧爲壇去壇爲墠去墠爲鬼  
漸而遠者祭益希晉魯立煬宮春秋非之謂不當取  
已毀之廟旣藏之主復築宮以祭今議正同故臣皆  
不謂可古者殷祖玄王周祖后稷太祖之上皆自爲  
帝又世數已遠不復祭之故始祖得東向也景皇帝



惟獻祖於獻懿子孫也。當禘祫。獻祖居東向位。景從  
非若穆是祖。以孫尊。孫以祖屈。神道人情。其不相遠  
又常祭衆合祭寡。則太祖所屈少而所伸多。與其伸  
孫尊。廢祖祭。不以順乎尚書左僕射姚南仲等請奉  
獻懿主祔德明興聖廟。鴻臚卿王權申衍之曰。周人  
祖文王。宗武王。故詩清廟章曰。祀文王也。故不言太  
王。王季。則太王。王季而上皆祔后稷。故清廟得祀文  
王也。太王。王季之尊。私禮也。祔后稷廟。不敢以私奪  
公也。古者先王遷廟主以昭。穆合藏於祖廟。獻懿主  
宜祔興聖廟。則太祖東向得其所。尊。獻懿主歸得其所。

是時言祔興聖廟什七八天子尚猶豫未刪定至是羣臣稍顯言二祖本追崇非有受命開國之鴻構又權根援詩禮明白帝泮然於是定遷二祖於興聖廟凡禘祫一享詔增廣興聖二室會祀日薄廟未成張縉爲室內神主廟垣間奉興聖德明主居之廟成而祔自是景皇帝遂東向京自博士獻議彌二十年乃決諸儒無後言

陳京論祖宗祧廟

臣等伏以古者宗廟之制一帝一后後世有以子貴者始著並祔之文其不當祔者則又有別廟之祭本朝禘祫有司攝事乃以別廟之后列於所配之下絕

席而坐非惟於古無文於今爲不可者又有四焉淑  
德皇后太宗之元配也列於元德之下章懷皇后真  
宗之元配也列於章懿之下其位序先後不倫一也  
升祔之后統以帝樂別廟諸后則以本室樂章自隨  
二也升祔之后同牢而祭牲器祝冊亦統於帝別廟  
諸后乃從專享三也升祔之后聯席而坐別廟諸后  
位乃相絕四也今號爲合食反絕席而坐牲牢祭器  
樂章祝冊皆自別而不同又位序顛錯殊非嚴事之  
意伏見章獻皇后章懿皇后在奉慈廟未升祔時每  
遇禘祫不從合食只於本廟致享所以伸所尊者最

爲得禮也。若四后各祭於其廟，則其尊自伸。而於禮文無參差不齊之失。又有章懿之明證。

歐陽修等議四

后裕

伏以景靈宮建自先朝，以尊奉聖祖。陛下又建真宗皇帝、章懿太后神御殿於其間，天下之人皆知陛下奉先廣孝之意。然則此宮乃陛下奉親之所。今乃欲以後宮已廢未復之后建殿，與先帝太后並列，有瀆神明，莫此之甚。臣竊謂事必不出於聖意，皆小人私於興作，有所僥求爾。蓋自前世帝王於宗廟之外，別爲廟享以追奉祖宗者，則有之。未聞有自追奉其妃

后者也。蓋小人不識事體，苟有一時之利，不思虧損聖德，伏乞特示寢罷，以全典禮。歐陽修論建

部后影殿

臣切謂聖宋崛起，非有始封之祖也。則創業之君，是爲太祖矣。太祖則周之后稷配祭於郊者也。太宗則周之文王配祭於明堂者也。此二配至重，萬世不遷之法也。真宗則周之武王宗乎廟而不祧者也。雖有配天之功，而無配天之祭。未聞成王以嚴父之故，廢文王配天之祭，而移於武王也。仁宗則周之成王也。雖有配天之功，而無配天之祭。亦未聞康王以嚴父之故，廢武王配天之祭，而移於成王也。明堂配祭，東

漢爲得。在西漢時則孝武始營明堂而以高帝配之。其後又以景帝配之。孝武之後無聞焉。在東漢時則孝明始建明堂而以光武配。其後孝章孝安又以光武配。孝安之後無聞焉。當始配之代適符嚴父之說。及時異事遷而章安二帝亦弗之變。此最爲近古。而合乎禮者也。有唐始在孝和時則以高宗配之。在明皇時則以睿宗配之。在永泰時則以肅宗配之。禮官杜鴻漸王涇輩皆不能推明經義務合古初。反雷同其論以惑時主。當仁宗嗣位之初。僅有建是論者。配天之祭當在乎太宗矣。

錢公輔論  
明堂禮祭

商周之王斷自稷契以下者非絕魯以上遺之以其自有本統承之故也。本朝自僖祖以上世次不可得而知則僖祖有廟與稷契疑無以異。今毀其廟而藏其主夾室替祖考之尊而下附於子孫殆非所以順祖宗之孝心事亡如事存之義。

王安石議  
僖祖祧遷

詩曰思文后稷克配彼天言以其德能配天也。夫以文王之德而不能預配天之祭者特以后稷之功大矣。使周無后稷之祖則周公之祀宜不得舍文武而他及。且後世之興其先既無周之后稷而郊天之配不先創業之君乃遠取追尊之祖此豈先王之禮而

近於人情者哉。今之議者，又以祭法禘郊祖宗之禮，言商周非絕饗，以其自有本統承之本朝，自僖祖以上世次不可得知，則必以僖祖爲始祖。臣又以謂不然矣。其言曰：商人禘饗而郊，冥祖契而宗，湯信斯言也。則禘祭宜無易饗者。今商頌之長發大禘之詩也，其曰：有娥方將，帝立子生商。又曰：玄王桓撥，受小國是達，受大國是達者，廼專歌述契之功德，一篇之間，了無及饗之語。則祭法之言禘饗者，臣亦未敢取以爲信也。漢高之得天下，與商周異故。太上皇不得爲始封，而光武之興，不敢尊舂陵而祖高帝。且景帝唐



引鄭儀註  
位祖非矣  
顯侯原在  
高祖後南  
宋自傳前  
無考

室始封之君。而元皇帝乃神堯之父。高祖之時以景  
皇帝爲配。而太宗之初已奉高祖於圓丘。景皇帝不  
得預郊天。其後杜鴻漸等復請以景皇帝郊配天地。  
黎幹力詰其非禮而正之。夫景皇帝親受唐國之封。  
且不得配天。則未嘗啓有土宇。而欲以爲始祖。臣亦  
慮其難矣。恭惟太祖皇帝削平禍難。功格上天。百餘  
年間。天下之人涵泳生養。而安樂於無事者。太祖之  
恩德也。今天下惟知遵奉太祖。而乃欲替其親郊配  
天之祀。豈厭於人情哉。今僖祖之德。不昭見於生民。  
不明被於後世。迺欲以齊后稷之廟。當始祖之禮。臣

恐僖祖之神非所居而不受若以得姓者爲祖則趙  
之得姓遠矣自造父封於趙城而趙衰始得姓今若  
必欲推考其先世則遂欲上祖趙衰其可乎臣今欲  
乞特爲僖祖立室置祧主其中由太祖而上親盡迭  
毀之主皆藏於僖祖之室當禘祫之時以僖祖之主  
權居東向之位太祖之主順昭穆之列而從之取其  
毀廟之主而合食焉則僖祖之尊自有所伸此韓愈  
所謂祖以孫尊孫以祖屈之義也以僖祖立廟爲非  
則周人別廟以祀姜嫄不可謂非禮孫固議僖祖祧遷  
今皇地祇亦從上帝而合祭於圓丘獨以爲不可則

過矣。書曰：肆類於上帝，禋于六宗，望於山川，徧於羣神。舜之受禪也，自上帝六宗，山川羣神，莫不畢告，而獨不告地祇，豈有此理哉？武王克商，庚戌柴望，柴祭上帝也，望祭山川也。一日之間，自上帝而及山川，必無南北郊之別也。而獨略地祇，豈有此理哉？臣以知古者祀上帝，則并祭地祇矣。何以明之？詩之序曰：昊天有成命，郊祀天地也。此乃合祭天地。經之明文，臣以知周之世，祀上帝，則地祇在焉；歌天而不歌地，所以尊上帝。故其序曰：郊祀天地也。春秋書不郊，猶三望。左氏傳曰：望郊之細也。說者曰：三望，太山河海或

曰淮海也。又或曰分野之星及山川也。魯諸侯也。故郊之禮及其分野山川而已。周有天下則郊之禮獨不及五岳四瀆乎。岳瀆猶得從祀而地祇獨不得合祭乎。議者謂合祭天地始於王莽以爲不足法。臣竊謂禮當論其是非不當以人廢。光武皇帝親誅莽者也。尚採用元始合祭故事。謹按後漢書郊祀志建武二年初制郊兆於洛陽爲圓壇八陛中又爲重壇天地位其上皆南鄉西上。此則漢世合祭天地之明驗也。又按水經注伊水東北至洛陽縣圓丘東大魏郊天之所準。漢故事爲圓壇八陛中又爲重壇天地位。

其上此則魏世合祭天地之明驗也唐睿宗將有事於南郊賈曾議曰有虞氏禘黃帝而郊嚳夏后氏禘黃帝而郊鯀郊之與廟皆有禘禘於廟則祖宗合食於大祖禘於郊則地祇羣望皆合於圓丘以始祖配享蓋有事祭非常祀也三輔故事祭於圓丘上帝后土位皆南面則漢常合祭矣時褚元亮郭山惲等皆以曾言爲然明皇天寶元年二月勅曰凡所祠享必在躬親朕不親祭禮將有闕其皇地祇宜如南郊合祭是月二十日合祭天地於南郊自後有事於圓丘皆合祭此則唐世合祭之明驗也今議者欲冬至祀

天夏至祀地、蓋以爲川、周禮也。臣請言周禮與今禮之別。古者一歲祀天者三、明堂享帝者一、四時迎氣者五、祭地者二、享宗廟者四。凡此十五者、皆天子親祭也。而又朝日、夕月、四望、山川、社稷、五祀及羣小祀之類、亦皆親祭。此周禮也。太祖皇帝受天眷命、肇造宋室、建隆初、郊先享宗廟、並祀天地、自真宗以來三歲一郊、必先有事景靈、徧享太廟、乃祀天地。此國朝之禮也。夫周之禮親祭如彼其多、而歲行之不以爲難。今之禮親祭如此其少、而三歲一行、不以爲易。其故何也。古者天子出入儀物不繁、兵衛甚簡、用財有

節而宗廟在大門之內。諸侯出爵賞必於太廟不止時祭而已。天子所治不過王畿千里。惟以齊祭禮樂爲政事。守此則天下服矣。是故歲歲行之率以爲常。至於後世海內爲一。四方萬里皆聽命於上。機務之繁萬倍於古。力有所不能給。自秦漢以來。天子儀物日以滋多。有加無損。以至於今。不復如古之簡易也。今所行皆非周禮。三年一郊非周禮也。先郊二日而告原廟一日而祭太廟非周禮也。郊而肆赦非周禮也。優賞諸軍非周禮也。自后妃以下至文武官皆得蔭補親屬非周禮也。自宰相宗室以下至百官皆有

賜賚非周禮也。此皆不改而獨於地祇則曰周禮不當祭於圓丘。此何議也。今議者必又曰夏至不能行禮則遣官攝祭祀亦有故事。此非臣之所知也。周禮大宗伯王不與則攝位。鄭氏注曰王有故則代行其祭事。賈公彥疏曰有故謂王有疾及哀慘皆是也。然則攝事非安吉之禮也。後世人主不能歲親祭故命有司行事。其所從來久矣。若親郊之歲遣官攝事是無故而用有故之禮也。議者必又曰三年一祀天又三年一祀地是非臣之所知也。三年一郊已爲䟽簡若獨祭地而不祭天是因事地而愈䟽於事天。自古



禮記  
祭義  
祭統  
祭法  
祭儀

未有六年一事。天者議者必又曰：當郊之歲，以十月神州之祭，易夏至方澤之祀，則可以免方暑舉事之患。此又非臣之所知也。夫所以議此者，惟欲舉從周禮也。今以十月易夏至，以神州代方澤，不知此周禮之經耶？抑變禮之權耶？若變禮從權而可，則合祭圓丘何獨不可？議者必又曰：當郊之歲，以夏至祀地祇於方澤上，不親郊而通燿火。天子于禁中望祀，又非臣之所知也。書之望秩，周禮之四望，春秋之三望，皆謂山川在境內而不在四郊者，故遠望而祭也。今所在之處，俛則見地，而云望祭，是爲京師不見地乎？有

漢元成毀  
神宗廟  
殿即位自  
是皆至林  
於後廟祔  
以此動主  
以動主

三不可夏至之日不可以動大衆、舉大禮、一也、軍賞、  
不可復加二也、自有國以來、天地宗廟、唯饗此祭、累  
聖相承、唯用此禮、此乃神祇所歆、祖宗所安、不可輕  
動、動之則有吉凶禍福、不可不慮、三也、晉西漢之衰、  
元帝納貢禹之言、毀宗廟、成帝用丞相衡之議、改郊  
位、皆有殃咎、著於史冊、往鑒甚明、可爲寒心矣、貼黃  
唐制有事於南郊、則先朝獻太清宮、朝享太廟、亦如  
今禮、先二日告原廟、先一日享太廟、然議者或亦以  
爲非三代之禮、臣謹按武王克商、丁未祀周廟、庚戌  
柴望、相去三日、則先廟後郊、亦三代之禮也、  
蘇軾圖  
丘合祭

議

謹按國朝舊典、冬至圓丘、必兼饗天地、從祀百神、若其有故、不祀圓丘、則行它禮、或大雩於南郊、或大饗於明堂、或恭謝於大慶、皆用圓丘禮樂神位、其意以爲皇帝不可以三年而不親祀天地百神、故也。臣竊見皇祐明堂遵用此法、最爲得禮之變。自皇祐以後、凡祀明堂、或用鄭氏說、獨祀五天帝、或用王氏說、獨祀昊天上帝、雖於古學各有援據、而考之國朝之舊、則爲失當。蘇軾請復用皇祐典禮

臣竊見太祖皇帝受命之初、未遑他事、首尊四祖之

廟而又以僖祖爲四廟之首累聖遵崇罔敢失墜中間雖以世數遠遷之夾室而未及數年議臣章衡復謂遵奉以爲太廟之始祖宰相王安石等遂奏以爲本朝自僖祖以上世次不可得而類則僖祖有廟與穆契疑無以異今欲毀其廟而藏其主替祖宗之尊而下祔於子孫非所以順祖宗之孝心也於是神宗皇帝詔從其請而司馬光韓維孫朴孫固等以爲非是力奏爭之其說甚詳然其立意不過以爲太祖受命立極當爲始祖而祫享東向僖祖初無功德親盡當祧而已臣嘗深考其說而以人心之所安者揆

之則僖祖者太祖之高祖考也。雖歷世久遠，功德無傳。然四世之後，篤生神孫，順天應人，以寧兆庶，其爲功德蓋不必身親爲之。然後爲盛也。是以太祖皇帝首崇立之，以爲初廟。當此之時，蓋已歸德於彼，而不敢以功業自居。矣。今乃以欲尊太祖之故而必使之奪據僖祖初室東向之位。臣恐在人之靈，於此有所不忍，而不敢當也。安石之爲人，雖不若光等之賢，而其論之正則有不可誣者。朱熹論四廟疏主

先聖緣人情而著其節，制服二十五升。是以春秋臣有大喪，君三年不呼其門。閔子雖要經服事，以赴公

禮教始于  
大臣

唐高宗時  
明禮皇后

難退而致位以死私恩故稱君使之非也臣行之禮也周室陵遲禮制不序蓼莪之人作詩自傷曰瓶之罄矣惟壘之耻言已不得終竟子道者亦主之耻也高祖受命蕭何創制大臣有寧告之科合於致愛之義建武之初新水大亂凡諸國政多趨簡易大臣既不得告寧而羣臣營祿念私鮮循三年之喪故藉田之耕起於孝文孝廉之貢發於孝武郊祀之禮定於元成三雍之序侑於顯宗大臣終喪成乎陛下陳此後是

武服制  
故事跡

父在爲母期古禮也國朝服之三年臣謂三年則太

外服  
皇太子  
三年將服  
三年歸太  
常與傳  
士張薦  
子吉甫

重、唯行古為得禮德宗遣內常侍馬欽敘謂質曰

司以三十日除既葬釋服以墨太子於陛下子道也

臣道也君臣以我則撫軍監國有權奪父子問安侍

膳固無服衰之嫌古未有服衰而廢者舒王以下服

三年將不得問安視膳耶太子舒王皆臣子也不宜

甚異且皇后天下之母其父母士庶也以天下之母

為士庶降服可也太子臣子也以臣子為母降可乎

公除非古也人公門變服今期喪以下慘制是也太

子晨昏侍非公除比墨衰奪情事緣金革今不監國

撫軍何抑奪耶十之於父母體異而情均太子奉君

父之日遠報母之日少。恐使失令名哉。宰相乃令太  
草奏既葬卒哭十一月小祥十二月大祥十五月禫  
內謁即墨服復謁問質質以爲雖不能循古禮猶愈  
於魏晉之文遠甚。宰相乃言太子居皇后喪至則  
抑家承慈質臣子至行唯心與服內外宜稱今質請  
降詔於外無害至衰於內臣謂言行於外而服其於  
內事非至誠肅於德教請下明詔如叔則議天子從  
之及董晉代叔則爲太常卿帝曰皇太子服期縣來  
官初非朕意楊昌等請循魏晉故事至論也。  
等論太子

屏服

伏觀睦親宅被火災者二廣親宅被火災者亦二旬  
月之中如此之併豈適丁其時乎臣竊以春秋之義  
推之蓋二宅之中有親已盡服絕無者而未經裁節  
於有限之禮故大以火災戒之乎歷考上世尊族或



封以就國或官而任外自唐明皇而後世叢於宮宅而不任以政本朝依其制也然國初之制凡以蔭授官率皆以其父祖合任之數授之今則長男生踰年而受官其下之男皆生五年而受官矣舊制止授班行今則皆授南班官矣十年前止滿數百今則踰千人矣又其間子孫衆多者數房而共一室者矣安可不更張其事哉朕惟親戚之間經史有訓漢唐之世典故具存或以九族定尊卑或以五宗紀遠近或聽推恩而分子孫或許自試而効才能或宗子之賢得從科舉或諸王之女自主婚姻盡前世之所行願當

今之未備。祖宗昭穆。是宜世出之封。王公子孫。抑有親親之殺。若乃服屬之既竭。洎乎才藝之並優。在隨器以甄揚。使當官而勉懋。至於任子之令。通婚之儀。凡曰有司之常。一用外官之法。楊綽乞酌古今

晉平公之於荀盈。蓋無服也。周景王之於穆后。蓋期喪也。無服者未葬而樂。屠蒯譏之。期喪者已葬而燕。叔向譏之。書之史冊。至今以爲非。仁宗皇帝。以宰相富弼母在殯。爲罷春宴。傳之天下。至今以爲宜。今魏王之喪。未及卒哭。而禮部太常寺。皆以爲天子絕期。不妨宴樂。臣切非之。蘇軾乞以魏王

喪罷秋宴

夫居喪用喪禮、除喪用吉禮、因事而行、乃常道也。今若爲開樂張宴、則是特爲一喜慶之事、失禮義、害人情、無大於此。

程頤論除喪不可置燕

惟晉武帝以疏素終三年、其羣臣多以爲非、蓋詔諛之人、習於流俗、而不知禮也。唐之人主、無有爲三年服者、而三百年間、諷者亦未嘗及之。蓋世無達禮之士、而人不知事君之義也。惟國朝自祖宗以來、外廷雖用易月之制、而宮中實行三年之服。且易月之制、前世所以難改者、以人君自不爲服故也。今君上之服、已如古典、而臣下之禮、猶依漢制。古者再期而太

祥、中月而禫。禫者祭之名也。非服之色也。今乃爲之  
繆服三日。然後禫。此禮之不經者也。旣除服矣。至葬  
而又服之。蓋見梓官不可以無服也。祔廟而後卽吉。  
纔八月矣。去山陵未久也。而遽純吉。無所不佩。此又  
禮之無漸者也。臣伏見大行皇帝之喪。自三月十三  
日服至二十八日而除。羣臣衰麻纔十六日。遺詔易  
月。因襲故事。已行之禮。不可追也。臣愚以爲過山陵  
宜令羣臣朝服止。如今日未除衰至朞而服之。漸除  
其重者。再期而又服之。乃釋衰。其餘則君服斯服。可  
也。此非有所難行。惟存其衰麻而已。

蘇軾論張  
服儉葬

漢成帝  
起昌陵

壽皇聖帝至性自天孝誠內發易月之外猶執通喪  
朝衣朝冠皆以大布超越千古拘攣牽制之弊革去  
百王衰陋卑薄之風甚盛德也所宜者在方冊爲世  
法程子孫守之永永無斁而間者遺詔初頒太上皇  
帝偶違康豫不能躬就喪次陛下嘗以世嫡之重仰  
承大統則所謂承重之服著在禮律所宜一遵壽皇  
已行之法易月之外且以布衣布冠視朝聽政以代  
太上皇帝躬執三年之喪而一時倉卒不及詳議遂  
用練紗淺黃之服

朱熹乞許  
論喪服

孝文皇帝居霸陵北臨廁意悽愴悲懷願謂羣臣曰

年不成復  
遷陵  
制度泰奢  
河上疏

嗟乎以北山石爲椁用紵絮斷陳漆其間豈可動哉  
張釋之進曰使其中有可欲雖錮南山猶有隙使其  
中無可欲雖無石椁又何憾焉夫死者無終極而國  
家有廢興故釋之之言爲無窮計也孝文寤焉遂薄  
葬不起山墳故仲尼孝子而延陵慈父舜禹忠臣周  
公弟第其葬君親骨肉皆微薄矣非苟爲儉誠便於  
體也秦始皇帝葬於驪山之阿下錮三泉上崇山墳  
其高五十餘丈周回五里有餘石槨爲游館人膏爲  
燈燭水銀爲江海黃金爲鳬鴈珍寶之藏機械之變  
棺槨之麗宮館之盛不可勝數又多殺宮人生薶王

匠計以萬數天下若其役而反之驪山之作未成而周章百萬之師至其下矣項籍燔其宮室營宇往者咸見發掘其後牧兒亡羊羊入其鑿牧者持火照求羊失火燒其藏柳自古及今葬未有盛如始皇者也數年之間外被項籍之災內罹牧豎之禍豈不哀哉是故德彌厚者葬彌薄知愈深者葬愈微無德寡知其葬愈厚丘壠彌高宮廟甚麗發掘必速由是觀之明暗之效葬之吉凶昭然可見矣周德既衰而奢侈宣王賢而中興更爲儉宮室小寢廟詩人美之斯千之詩是已上章道宮室之如制下章言子孫之衆多

也及曾嚴公刻飾宗廟多築臺囿後嗣再絕春秋刺焉周宣如彼而昌曾泰如此而絕是則奢儉之得失

也劉向諫起昌陵疏

今羣臣皆以加上徽號爲請而臣獨望陛下固辭徽

號爲願其心則同欲尊君同欲愛君劉敞乞固辭徽號

前代入繼者多宮車晏駕之後援立之策或出母后

或出臣下非如仁宗皇帝年齡未衰深惟宗廟之重

祇承天地之意於宗室衆多之中簡拔聖明授以大

業陛下親爲先帝之子然後繼體承祧光有天下濮

安懿王雖於陛下有天性之親願復之恩然陛下所



漢成帝久  
無繼嗣  
以爲宜建  
三統封孔  
子以爲  
後上著

以負宸端冕富有四海子子孫孫萬世相承者皆然  
帝之德也臣等愚淺不達古今切以爲今日所以崇  
奉漢安懿王典禮宜一依先朝封贈期親尊屬故事  
高官大國極其尊榮譙國太夫人襄國太夫人仙遊  
縣君亦改封大國太夫人考之古今實爲宜稱王坦之議  
乞先朝封贈期親尊屬故事

臣聞不在其位不謀其政政者職也位卑而言高者  
罪也越職觸罪危言世患雖伏鎖橫分臣之願也守  
職不言沒齒身全死之日尸未腐而名滅雖有景公  
之位伏歷千駟臣不貪也故願一登文石之陛涉赤

堦之塗當戶牖之法坐盡平生之愚慮亡益於時有  
遺於世此臣寢所以不安食所以忘味也願陛下深  
省臣言臣聞存人所以自立也壅人所以自塞也善  
惡之報各如其事昔者秦滅二周夷六國隱士不顯  
逸民不舉絕三統滅天道是以身危子殺厥孫不嗣  
所謂壅人以自塞者也故武王克殷未下車存五帝  
之後封殷於宋紹夏於杞明著三統示不獨有也是  
以姬姓半天下遷廟之主流出於戶所謂存人以自  
立者也今成湯不祀殷人亡後陛下繼嗣又微殆爲  
此也春秋經曰不殺其大夫穀梁傳曰其不稱名姓

以其在祖位尊之也。此言孔子故殷後也。雖不正統。封其子孫。以爲殷後。禮亦宜之。何者。諸侯奪宗。聖庶奪適。傳曰。賢者子孫宜有土。而况聖人又殷之後哉。管成王以諸侯禮葬周公。而皇天動威。雷風著災。今仲尼之廟。不出闕里。孔氏子孫。不免編戶。以聖人而歆匹夫之祀。非皇天之意也。今陛下誠能據仲尼之素功。以封其子孫。則國家必獲其福。又陛下之名。與天亡極。何者。追聖素功。封其子孫。未有法也。後聖必以爲則。不滅之名。可不勉哉。梅賾請封孔子爲殷後書

雖朝士大夫畏竦子孫。方居美仕。不敢顯言。四方之

人耳目炳然，豈可揜蔽？必曰夏竦之爲如是，而證文正，非以證爲公器也。蓋出於天子之恩耳，此其譏評國家之失，豈云細哉？

司馬光論夏竦不當證文正

臣竊以凡爲人臣，受祿不必多，受位不必高。苟當官不言，則刑戮之人也。是以夙夜惶懼，不敢默默伏惟陛下，不以鄙賤而忽其言。臣等竊追證法本意，所謂道不博聞曰文者，非聞見雜博之謂也。蓋以所行所學不離於道德也。靖共其位曰正者，非柔懦苟媮之謂也。蓋詩云靖共爾位，好是正直也。今竦奢侈無度，聚斂無厭，內則不能制義於閭閻，外則不能立效於

邊鄙言不副行、貌不應心、語其道德、則貪淫矣、語其  
正直、則回邪矣、此皆天下所共聞、非臣等所敢誣加  
也、陛下乃以文正謚之、臣等慙愚不達大體、不知復  
以何謚待天下之正人良士哉、且陛下所以念竦如  
此之厚者、以竦嘗爲東宮之故臣也、向者東宮之臣  
死而得謚者非一、陛下未嘗親有所定、至於竦獨不  
然、豈非知竦所爲不合衆心邪、司馬光論竦不當謚文正第二狀  
昭王問於觀射父曰、周書所謂重黎實使天地不通  
者何也、若無然、民將能登天乎、對曰、非此之謂也、古  
者民神不雜、民之精爽不携貳者、而又能齊肅衷正、

其知能上下比義其聖能光遠宣朗其明能光照之其聰能聽徹之如是則明神降之在男曰覲在女曰巫是使制神之處位次主而爲之牲器時服而後使先聖之後之有光烈而能知山川之號高祖之主宗廟之事昭穆之世齊敬之勤禮節之宜威儀之則容貌之崇忠信之質禋潔之服而敬恭明神者以爲之祝使名姓之後能知四時之生犧牲之物玉帛之類采服之儀彝器之量次主之度屏攝之位壇場之所上下之神氏姓之出而心率舊典者爲之宗於是乎有天地神民類物之官謂之五官各司其序不相亂

也民是以能有忠信神是以能有明德民神異業敬而不瀆故神降之嘉生民以物享禍災不至求用不匱故少昊之衰也九黎亂德民神雜糅不可方物夫人作享家爲巫史無有要質民匱於祀而不知其福烝享無度民神同位民瀆齊盟無有嚴威神狎民則不獨其爲嘉生不降無物以享禍災荐臻其盡其氣顓頊受之乃命南正重司天以屬神命北正黎司地以屬民使復舊常無相侵瀆是謂絕地天通其後三苗復九黎之德堯復育重黎之後不忘舊者使復興之以至於夏商故重黎氏世敘天地而別其分主者

也其在周程伯休父其後也當宣王時失其官守而  
爲司馬氏寵神其祖以取威於民曰重寶上天黎實  
下地遭世之亂而莫之能禦也不然夫天地成而不  
變何比之有

觀射父  
論重黎

大雨雹季武子問於申豐曰雹可禦乎對曰聖人在  
上無雹雖有不爲災古者日在北陸而藏冰西陸朝  
覲而出之其藏冰也深山窮谷固陰沍寒於是乎取  
之其出之也朝之祿位賓食喪祭於是乎用之其藏  
之也無牡牝黍以享司寒其出之也桃弧棘矢以除  
其災其出入也時食肉之祿冰皆與焉大夫命婦喪



新書卷六  
卷六  
月

浴用冰祭寒而藏之獻羔而啓之公始用之火出而  
畢賦自命夫命婦至於老疾無不受冰山人取之  
人傳之與人納之隸人藏之夫冰以風壯而以風出  
其藏之也周其用之也徧則冬無愆陽夏無伏陰春  
無淒風秋無苦雨雷出不震無苗霜雹曠疾不降民  
不夭札今藏川池之水棄而不用風不戕而殺雷不  
發而震雹之爲災誰能禦之七月之卒章藏冰之道  
也

申豐論  
雨雹

春秋之道舉往以明來是故天下有物視春秋所舉  
與同比者精微眇以存其意通倫類以貫其理天地

卷六

禮記

三

之變國家之事。然皆見亡所疑矣。按春秋魯定公哀公時季氏之惡已熟。而孔子之聖方盛。夫以盛聖而易熟惡季孫。雖重魯君。雖輕其勢。可成也。故定公二年五月。兩觀災。兩觀僭禮之物。天災之者。若曰僭禮之臣。可以去矣。見臯微而後告。可去。此天意也。定公不知省。至哀公三年五月。桓宮釐宮災。二者同事所爲一也。若曰燔貴而去。不義云爾。哀公未能見。故四年六月。亳社災。兩觀桓釐廟亳社四者皆不當立。天皆燔其不當立者。以示曾欲其去亂臣而用聖人也。今高廟不當居遼東。高園殿不當居陵旁。於禮亦

不當立。與魯所災同。其不當立久矣。至於陛下時天  
廼災之者。殆亦其時可也。天災若語陛下。當今之世  
非以太平至公不能治也。視親戚貴屬在諸侯遠正  
最甚者。忍而誅之。如吾燔遼東高廟。廼可視。近臣在  
國中處旁不及貢而不正者。忍而誅之。如吾燔高園  
殿。廼可云爾。在外而不正者。雖貴如高廟。猶災燔之。  
況諸侯乎。在內不正者。雖貴如高園殿。猶災燔之。況  
大臣乎。此天意也。皐在外者。天災外。皐在內者。天災  
內。燔甚罪當重。燔簡罪當輕。承天意之道也。董仲舒  
火災對  
陛下至德仁厚。哀憫元元。躬有日昃之勞。而亡佚豫。

之樂允執聖道刑罰惟中然而嘉氣尚凝陰陽不和  
邊臣下未稱而聖化獨有不洽者也臣竊伏思其一  
端殆吏多苛政政教煩碎大率咎在部刺史或不循  
守條職舉錯各以其意多與郡縣事至開私門聽讒  
佞以求吏民過失譴呵及細微責義不量力郡縣相  
迫促亦內相刻流至衆庶是故鄉黨闕於嘉賓之歡  
九族忘其親親之恩飲食周給之厚彌衰送往勞來  
之禮不行夫人道不通則陰陽否隔和氣不興未必  
不由此也詩曰民之失德乾餱以愆鄙語曰苛政不  
親煩苦傷恩方刺史奏事時宜明申勅使昭然知本

漢成帝元  
延元年星  
孛東井屬  
郡岷山崩  
雍江向曰  
皆周滅山  
崩山川竭  
而幽王亡  
岐山者周  
所興也漢  
家本起于  
蜀漢今所  
起之地山  
崩川竭星  
孛又及諸  
提大角從  
參至辰殆  
必亡矣

朝之要務臣愚不知治道唯明主察焉

薛宣論陰陽不和疏

秦始皇之末至二世時日月薄食山陵淪亡辰星出於四孟大白經天而行無雲而雷在矢夜光熒惑襲月孛火燒宮野禽戲廷都門內崩長人見臨洮石隕于東郡星孛大角大角以亡觀孔子之言考暴秦之異天命信可畏也及項籍之敗亦孛大角漢之入秦五星聚于東井得天下之象也孝惠時有雨血日食于衡滅光星見之異孝昭時有泰山臥石自立上林僵柳復起大星如月西行衆星隨之此爲特異孝宣興起之表天狗夾漢而西久陰不雨者二十餘日昌

不能已復  
上奏

邑不終之異也。皆著于漢紀。觀秦漢之易世。覽惠昭  
之無後。察昌邑之不終。視孝宣之紹起。天之去就。豈  
不昭昭然哉。劉向  
上等奏

漢武以能誅文成五利。前史謂之雄才。先帝時有侯  
莫陳利用者。始以方術暴得寵用。一旦發其姦誅於  
鄭州。至今輿誦謂之英斷。唐明皇得靈寶符。上清獲  
國經寶勝等。皆王鉷田同秀等所爲。明皇不能顯戮  
怵於邪說。今日見老君於閣上。明日見老君於山中。  
大臣尸祿以將迎。端士畏威而緘默。既惑左道。卽秦  
政經民心。用離浸不復振。及至祿山兆亂。輔國切遷。

麟瑞大聖  
知此可存  
以式

老君寧肯御兵寶符安能排難身危名辱負愧包羞  
大命既傾前功併弃今朱能所爲頗似王鉞等事孫  
論天書

臣竊見交趾所進麒麟二頭臣得之道路圖寫其形  
大抵牛身象耳狗足魚鱗臣謹按爾雅釋獸麀麀身  
牛尾一角郭璞注謂春秋所獲麟也又云麀大麀牛  
尾一角卽漢武郊雍所獲麟也又云麟如馬一角不  
角者麟卽元康中九真郡所貢也又唐龍朔三年麟  
見于介山又聖朝太平興國九年嵐州獻獸一角似  
鹿無班角端有肉性甚馴善當時以爲祥麟上表稱

賀臣以前典觀之則麒麟如馬狀麟似鹿形況麟鳳四靈國家大瑞天下稱賀青史具書故唐改元年漢名首閣太平之瑞莫大于斯臣切聞此獸頗與書史所聞不同閉以檻車與象相觸所食草木皆中國所無萬一非是祥麟海外別有名目卽朝廷殆爲蠻夷所詐

齊唐論麒麟

伏觀近世以來每有日食之變曆官皆先具月日時刻及所食分數奏聞至日或爲陰雲所蔽或所食不滿分數公卿百官皆奏表稱賀以爲大慶臣愚以爲日之所照周徧華夷雲之所蔽至爲近狹今若太陽



實虧而有浮雲翳塞。雖京師不見。四方必有見者。夫  
四方不見。京師見者。禍尚淺也。四方見。京師不見者。  
禍浸深也。

司馬光論日食遇陰  
雲不見。乞不稱賀。

詩人之時事異于今。今方兩宮同聽天下之政。實日  
月並明之道。俱不當有薄食之變也。

王巖叟  
論月食

八編類纂